

[४. महामंगलसूक्तं]

एवं मे सूतं । एकं समयं भगवा सावत्थियं विहरति जेतवने अनाथपिण्डिकस्स आरामे । अथ खो अञ्जतरा देवता अभिक्कन्ताय रत्तिया अभिक्कन्तवण्णा केवलकप्पं जेतवनं ओभासेत्वा येन भगवा तेनुपसंकमि, उपसंकमिब्ब भगवन्तं अभिवादेत्वा एकमन्तं अट्ठासि । एकमन्तं ठिता खो सा देवता भगवन्तं गाथाय एज्झभासि—

- 258 बहू देवा मनुस्सा च मंगलानि अचिन्तयुं ।
आकंखमाना सोत्थानं ब्रूहि मंगलमुत्तमं ॥ १ ॥
- 259 असेवना च बालानं पण्डितानं च सेवना ।
पूजा च पूजनीयानं एतं मंगलमुत्तमं ॥ २ ॥
- 260 पतिरूपदेसवासो च पुब्बे च कतपुञ्जता ।
अत्तसम्मापणिधि च एतं मंगलमुत्तमं ॥ ३ ॥
- 261 बाहुसच्चं च सिप्पं च विनयो च सुसिक्खितो ।
सुभासिता च या वाचा एतं मंगलमुत्तमं ॥ ४ ॥
- 262 मातापितु उपट्ठानं पुत्तदारस्स संगहो ।
अनाकुला च कम्मन्ता एतं मंगलमुत्तमं ॥ ५ ॥
- 263 दानं च धम्मचरिया च जातकानं च संगहो ।
अनवज्जानि कम्मनि एतं मंगलमुत्तमं ॥ ६ ॥
- 264 आरति विरति पापा मज्जपाना च संयभो ।
अप्पमादो च धम्मेसु एतं मंगलमुत्तमं ॥ ७ ॥
- 265 गारवो च निवातो च सन्तुट्ठि च कतञ्जुता ।
कालेन धम्मसवणं एतं मंगलमुत्तमं ॥ ८ ॥
- 266 खन्तिं च सोवचस्सता समणानं च दस्सनं ।
कालेन धम्मसाकच्छा एतं मंगलमुत्तमं ॥ ९ ॥
- 267 तपो च ब्रह्मचरि च आरिसच्चान दस्सनं ।
निब्बाणसच्छिकिरिया च एतं मंगलमुत्तमं ॥ १० ॥
- 268 फुट्ठस्स लोकधम्मेहि चित्तं यस्स न कम्पति ।
असोकं विरजं खेमं एतं मंगलमुत्तमं ॥ ११ ॥
- 269 एतादिसानि कबान सब्बत्थमपराजिता ।
सब्बत्थ सोत्थिं गच्छन्ति तं तेसं मंगलमुत्तमंऽति ॥ १२ ॥

महामंगलसुत्तं निद्धितं ।